

E hiake kumi te teitei o te mahi a Pepere, na Peia i tapae i te reo karanga o Tamepo:—

Waikato—he kai, Maniapoto—he kai, Ngapuhi—he kai, Taranaki—he kai, Wanganui—he kai, Tūwharetoa—he kai, Raukawa—he kai, Ngātiahū—he kai.

Ahakoā he Umutaoroa, te reo o nga iwi whakaeke kotahi tonu:— Te kai maoa, te kai mata, te hinengaro, te tinana, whiū ana, ara Ngata aana nga wahi katoa. Na reira ki ora Te Wiwi raua ko Te Wawa.

Nga kingi, nga kuini, nga piriniho, nga pirinehe, te wiwi te wawa whaiaipoipo ana tetahi ki tetahi. Tae rawa ake ki te ra huri hanga, kua tangi ke te tetahi ki ta tetahi, ano tona rite he tai papakirua.

Koianei ra nga hua huihuinga atahua, manaaki i te iti i te rahi, nga taonga whakatopu o te motu. Riro mai ana te mea i tumanakotia, Ora ana te whakapono. Te Pouritanga mahea ana i te aroha.

Ahakoā hoki pehea te haere me te whakataki i nga korero o taua hui, rite tonu nga mea katoa te whakaungutu i te waewae tapu o nga uri whakakeke o te motu ka haruru ki roto i nga paarenga o te awa nei o Waiapu, parikaranga-ranga nei i waenganui o Whakawhitira me pukemaire ki tahitahi, ko Puputa te pa-tuahu o ratou ma ka mene ki te po me a ratou mokopuna ki tenei taha, i titiro-a-wairua iho nei, e pohiri-a-wairua nei, e tangi-a-wairua iho nei ki nga mokopuna, i haere mai-a-reo, i haere mai-a-toa ki te whakaturu-a-takitahi i nga marae maha o Te Tairāwhiti i kiia ai e ratou ma:—

*He tao rakau e taea te karo: Tena he tao 'aroha' rauhitia.
Ko ia tonu tena!*

Kanui ra te tangi i te marae, mo nga mahi haka, me nga mahi waiata a te hunga kua haere ki te po. Tu mokemoke mai ana nga morehu, nga pani nga pouaru, me te iwi. I te nui o tera wahi, ka nukuhia nga mihimihī mote po me te ata o tetahi rangi mai.

Otira mo nga haka, he mea whakamiharo te tu mai o te Roia, o te Minita Maori, he reta LLB., me nga tohu matauranga o te pakeha, kei te iri mai i runga i a Ngata me Pōwānanga e karia ana ki te whetero me te kanohi pukana! ka tau.

Te ope wahine ki te whiū i te kupu me te rau o te rakau me te kapakapa o te ringa ki te hapai i nga kupu tangi mo Arihia me Makarini, rere a-wai ana te roimata o te ope whakaeke, Kaore hoki he tohu aroha ke atu, heoi na te ta i te hupe, ka tino tinanatia taua ahua.

Enei ahuatanga katoa ano tona reo he whakaae tuatahi-tanga ki nga putake tuatahi o nga pohiri e mea ra kia huihui me nga aitua i tena wahi kia tangihia ki Waioma-